

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საია და სტუდია "მონიტორი" ერთობლივ კინოჩვენებებს მოაწყობენ

25 სექტემბერს საქართველოს ახალგაზრდა იურისტთა ასოციაციის საკონფერენციო დარბაზში სტუდია "მონიტორი"-ს მიერ გადაღებული დოკუმენტური ფილმის ჩვენება მოეწყობა. ფილმი წარმოადგენს ჟურნალისტურ გამოძიებას ბათუმში მდებარე ე.წ. ხოფის ბაზრობის მეპატრონეებისთვის ჩამორთმევის ფაქტების შესახებ.

მიუხედავად იმისა, რომ დღეს საზოგადოების ინტერესი ჟურნალისტური გამოძიების მიმართ განსაკუთრებით მაღალია, სამწუხაროდ, ჟურნალისტური გამოძიების პროდუქტები

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



არც ერთი მსხვილი მედიასაშუალებების ეთერში აღარ ხვდება. ამის ნათელი მაგალითია ის ფაქტიც, რომ 25 სექტემბერს ჩვენებაზე მონვეული ყველა მედია საშუალებიდან ღონისძიებით მხოლოდ ინტერნეტ ტელევიზია www.itv.ge და საზოგადოებრივი მაუწყებლის პირველი არხი დაინტერესდა, თუმცა საზოგადოებრივმა ტელევიზიამ მასალა ეთერში არ გაუშვა.

საქართველოს ახალგაზრდა იურისტთა ასოციაციისა და სტუდია მონიტორის თანამშრომლობა რამდენიმე წელს ითვლის. სტუდიის ჟურნალისტებს საქართველოს ახალგაზრდა იურისტთა ასოციაციის მიერ გამოვლენილ კანონდარღვევებზე არაერთი სიუჟეტი მოუმზადებიათ.

ამჯერად ჩვენი თანამშრომლობა სხვა ეტაპზე გადადის. საია მზადაა დაუთმოს საკუთარი ფართი სტუდია "მონიტორს" კინოჩვენებების მოსაწყობად და ასევე დაეხმაროს სტუმრების მონვევის ორგანიზებაში.